

ЯНГИ ЎЗБЕКИСТОН

Ижтимоий-сиёсий газета

№ 123 (1184), 2024 йил 22 июнь, шанба



www.yuz.uz



yuz.uznews



yuz_official



yuz.uz_news



yuz



МЎЎУЛИСТОН ПРЕЗИДЕНТИ ДАВЛАТ ТАШРИФИ БИЛАН ЎЗБЕКИСТОН РЕСПУБЛИКАСИГА КЕЛАДИ

Ўзбекистон Республикаси Президенти Шавкат Мирзиёевнинг таклифига биноан Мўғулистон Президенти Ухнаагийн Хурэлсух 23-26 июнь кунлари давлат ташрифи билан мамлакатимизда бўлади.

Олий мартабали меҳмон ташрифининг дастурига мувофиқ, Тошкент шаҳрида олий даражадаги музокаралар ўтказилиши кўзда тутилган. Ўзбекистон — Мўғулистон дўстлик ва кўп қиррали ҳамкорлик муносабатларини янада кенгайтириш ва мустаҳкамлаш масалалари кўриб чиқилади.

Хусусан, кун тартибидан конструктив сиёсий мулоқот ва парламентларо алоқаларни ривожлантириш, икки томонлама товар айирбошлаш ҳамжамини ошириш, тоғ-кон саноати, қишлоқ хўжалиги, чор-

вачилик, енгил саноат, соғлиқни сақлаш, транспорт, логистика ва бошқа йўналишларда кооперация лойиҳаларини амалга ошириш режалари ўрин олган. Шунингдек, маданий-гуманитар ва туризм алоқаларини фойдалантиришга қаратилган кўшма чора-тадбирлар муҳокама қилинади. Халқаро масалалар юзасидан фикр алмашилади.

Саммит якунлари бўйича ҳужжатлар ва идораларо ҳужжатлар тўпламини қабул қилиш кўзда тутилган.

Давлат ташрифи доирасида Президентларнинг икки мамлакат етакчи компаниялари ва ишбилармон доиралар вакиллари билан учрашуви ҳамда қатор бошқа икки томонлама тадбирлар ўтказилиши режалаштирилган.

Мўғулистон Президенти Ухнаагийн Хурэлсух Хива шаҳрига ҳам ташриф буюриб, халқимизнинг бой маданий-тарихий мероси билан танишади.

ЎЗА

Ўзбекистон — Мўғулистон: ИККИ ТОМОНЛАМА АЛОҚАЛАР ЮКСАК БОСҚИЧГА ОЛИБ ЧИҚИЛАДИ

Ўзбекистон — Мўғулистон:

ИККИ ТОМОНЛАМА АЛОҚАЛАР ЮКСАК БОСҚИЧГА ОЛИБ ЧИҚИЛАДИ

Президент Шавкат Мирзиёевнинг таклифига биноан Мўғулистон Президенти Ухнаагийн Хурэлсух 23-26 июнь кунлари давлат ташрифи билан Ўзбекистонда бўлади.

Мўғулистон Ўзбекистон мустақиллигини 1991 йил 19 декабрдан тан олган. Мамлакатларимиз ўртасидаги дипломатик муносабатлар 1992 йил 25 январда ўрнатилган.

Мўғулистон Президентлари 2010, 2016 ва 2022 йилларида Шанхай ҳамкорлик ташкилотининг Тошкент ва Самарқанд саммитларида кузатуви давлат раҳбарлари сифатида иштирок этиш учун Ўзбекистонга ташриф буюрган.

Халқларимиз ўртасидаги муносабатлар, тарихчилар фикрига кўра, қадим даврларга бориб тақалади. Жумладан, Турк хоқонлиги даврида ва ундан кейинги йилларда ўзаро алмашинув ривожланган.

Ҳозирги босқичда икки давлат ўртасидаги муносабатлар ўзаро ҳурмат ва бир-бирининг манфаатларини ҳисобга олиш тамойиллари асосида изчил тараққий этиб бормоқда.

Янги Ўзбекистоннинг қўшни давлатлар билан ҳамкорликни мустаҳкамлаш,

минтақаларо ўзаро боғлиқлик масаласини илгари суришга қаратилган прагматик ташки сиёсати икки давлат ўртасидаги кўп қиррали мулоқот ривожига янги суръат бахш этапти. Бу галги олий даражадаги Ўзбекистон — Мўғулистон саммити сўнги уч йилдаги учинчиси ҳисобланади. Давлат раҳбарлари 2022 йилда Самарқандда, 2023 йилда эса Дубай шаҳрида самарали музокара ўтказган эди.

Давоми 2-бетда

Таҳлил ва таққос

ҲУҚУҚИЙ ТАФАККУР ВА ТАРҒИБОТ

Инсон яралганида фақат ахлоқ қоидалари бор эди. Одамлар ўртасидаги муносабатлар ривожлангани сари қонунларга эҳтиёж сезилди. Қонунлар темир интизомни таъминлаб, жамият мувозанатини сақловчи асосий воситага айланди. Ҳуқуқий жамиятнинг тараққиёти эса шахс, фикр ва мулк дахлсизлиги каби бир қанча омилларга боғлиқ ҳолда ўсиб боради. Шу боис, инсоният доим ҳуқуқий тенгликнинг энг мукамал шаклига интилади. Айни вақтда дунё тараққий этиши баробарида ҳуқуққа муносабат, унинг кўлами ва қамрови ҳам ўзгаради. Шунинг учун ҳам соҳа вақти-вақти билан ислоҳотга, ўзгаришларга эҳтиёж сезади.



Масаланинг яна бир муҳим жиҳати бор. Яъни, аввало, қонунлар мукамал бўлиши керак. Жамиятда унга тўғри муносабат шаклланиши зарур. Шу тариқа ҳуқуқий тафаккур кенгайди, кутилган натижага эришилади. Ҳа, жамиятда

ҳуқуқий саводхонлик юқори бўлмагунча қонунлар амалда тўлиқ кучга кирмайди. Шу маънода, Президентимизнинг жорий йил 24 майдаги “Маъмурий ислоҳотлар доирасида адлия органлари ва муассасаларининг масъулиятини

янада ошириш ҳамда ихчам бошқарув тизимини шакллантириш тўғрисида”-ги фармони соҳадаги ангиланшларнинг навбатдаги босқичини бошлаб беришга замин яратади.

Давоми 3-бетда

Янги Ўзбекистон муҳандислари

илм-фан ва ишлаб чиқариш драйверига айланиши зарур

Дунё илм-фани ривожланишининг янги босқичларига қадам қўяётган, таъбир жоиз бўлса, сунъий индрик ҳаётимизнинг барча жабҳасига фаол кириб келаётган айтиш тараққиётга интиладиган мамлакатга муносиб ҳолат эмас. Мана шу ҳаётий заруратни ўз вақтида англаб, кадрлар тайёрлаш ўзанини замонавий талабларга йўналтирмаган давлат ҳам, олий таълим тизими ҳам, жамият ҳам муқаррар ютказади.

Президентимиз раислигида муҳандислик соҳаларида кадрлар тайёрлаш ва олий таълим муассасалари фаолиятини янада такомиллаштириш масалалари юзасидан ўтказилган видеоселектор йиғилиши барча мутасаддилар, олий таълим муассасалари ректорлари, илм-фан ҳамда ишлаб чиқариш вакиллари учун тарихий учрашув бўлди.

Давлатимиз раҳбари 2022 йил 20 декабрдаги Олий Мажлисга ҳамда халқ-

мизга Мурожаатномасида кимё саноати, электротехника, транспорт ва энергетика соҳаларида нуфузли халқаро ташкилотлар билан бирга, алоҳида муҳандислик мактаблари ташкил қилиниши, янги замон муҳандислари тайёрлаш тизими яратилиши ҳақида сўз юритган эди. Видеоселектор йиғилиши ана шу концептуал мақсадга эришиш йўлидаги ҳал қилувчи қадам бўлди.

Давоми 2-бетда

Муносабат



Нуқтаи назар

ЖСТга АЪЗО БЎЛИШ НИМА УЧУН МУҲИМ?

У фақат иқтисодий юксалиш эмас, тинчликни мустаҳкамловчи тузилма ҳамдир



Жаҳон савдо ташкилоти — молиявий идора. Унинг фаолияти ушбу йўналишга ихтисослашган. Шу боис, унга тинчлик ва барқарорликни мустаҳкамловчи тузилма, дея нисбат берилса, кўпчилик дарров тушунмаслиги мумкин. Бинобарин, мазкур ташкилот халқаро доирада тинчликка қулай шароитлар яратади. Тарихда савдо баҳсларининг урушга айланиб кетиши билан боғлиқ кўплаб мисоллар мавжуд. Чунончи, 1930 йилда мамлакатлар ўзаро рақобат муносабатларидан келиб чиқиб, бир-бирининг олдига турли савдо тўсиқларини қўя бошлаганди. Натижада ушбу вазият бора-бора танг ҳолатга чиқиб, Иккинчи жаҳон урушига эшик очиб беради.

Давоми 4-бетда

Бугуннинг гапи

ИНСОН КАПИТАЛИ — ТАРАҚҚИЁТНИ БЕЛГИЛОВЧИ РЕСУРС

Бугун давлатларнинг ривожланиши ҳам, аҳоли фаровонлиги ҳам инсон капитали — шахсларнинг билим, кўникма ва салоҳиятига бевосита боғлиқ. Бошқача айтганда, инсон капитали — тараққиётни белгиловчи ресурс. Худди шундай қонуният давлат хизматида ҳам амал қилади. Давлат хизматчисининг билими, малакаси ва кўникмаси қанча юқори бўлса, бошқарув самарадорлиги ҳам шунча баланд бўлади.

Давлат хизматини ривожлантириш агентлиги номида ҳам “ривожлантириш” сўзи беиз ишлатилмаган. Негаки у ўсиш, юксалиш, бир сифатдан янги сифатга ўтиш, тараққиётни назарда тутди. Демак, давлат хизмати ривожланиши учун, аввало, давлат хизматчилари ривожланиши керак. Бу эса, ўз навбатида, уларнинг касбий малакасини оширишни тақозо этади. Шу маънода, етуқ кадрлар тайёрлаш, жой-жойига қўйиш, узлуксиз малакасини ошириш давлатимиз сиёсатининг муҳим йўналишларидан.

Давлат фуқаролик хизмати инсон ресурсларини ривожлантириш ҳамда кадрлар салоҳиятини кучайтиришда давлат фуқаролик хизматчиларининг бошқарув профессионализи ва компетенцияларини узлуксиз ошириб бориш, ўзгарувчан шароитда самарали қарорлар қабул қилишга қодир кадрларнинг янги авлодини тарбиялашни талаб этади.

Давоми 2-бетда

ҚАБУЛ-2024: Бу йил қандай ўзгаришлар кутилмоқда?



